



DEMOKRATSKA NARODNA ZAJEDNICA BiH

- Krajiška stranka -

Novi ljudi za novo vrijeme

Broj: 001- 00/24

Datum: 14.01.2024.godine

OPĆINA VELIKA KLADUŠA

OPĆINSKO VIJEĆE

Tehnička služba OV-a

n/r gospodin Alen Didović

PREDMET: Obavijest o ne odazivanju na Poziv za tzv. "Hitnu" sjednicu Općinskog vijeća

Poštovani,

Obavještavam Vas da se neću odazvati na poziv za održavanje tzv. "Hitne" sjednice Općinskog vijeća Velika Kladuša, iz razloga što je poziv za istu upućen od nenadležnog i neovlaštenog lica, gospođe Emine Čehić, koja je, marta mjeseca 2023.godine, legalno i legitimno, razriješena dužnosti Zamjenice predsjedavajuće Općinskog vijeća.

Kao stručnim licima zaduženim i odgovornim za tumačenje pravnog osnova i zakonitosti u radu Općinskog vijeća, skrećem Vam pozornost na nedavnu Presudu Ustavnog suda Federacije BiH, po Apelaciji za utvrđivanje ustavnosti Budžeta Općine Velika Kladuša za 2023.godinu, u kojoj je jasno ukazano na nezakonito prisvajanje nadležnosti Predsjedavajućeg Općinskog vijeća, od strane gospođe Emine Čehić, tadašnje Zamjenice predsjedavajućeg, te na kršenje ustava, zakona i zakonske procedure u predlaganju i donošenja Budžeta Općine Velika Kladuša, od strane Općinskog načelnika.

Kao stručne, odgovorne i osobe zadužene za tumačenje pravnog osnova i pravnih propisa koji regulišu rad Općinskog vijeća, pozvani ste da se uzdignete iznad svakog oblika izigravanja i ismijavanja zakona, manipulacija i politikanstva u radu Općinskog vijeća i u odnosima Općinskog vijeća i Izvršne vlasti u Općini, bez obzira ko se tu našao u kojoj ulozi.

Osobno, kao izabrani vijećnik u Općinskom vijeću Velika Kladuša, nikada nisam, niti imam bilo kakve aspiracije da podržavam bilo čiji nezakonit rad ili da učestvujem u iniciranju i donošenju nezakonitih, privatnih i po građane štetnih Odluka, od strane bilo koga.

Molim Vas i pozivam da u svome radu stojite na strani zakona i propisanih normi demokratskog odlučivanja, jer stranke, načelnici i vijećnici su u prolazu, a Zakoni, demokracija i interesi Općine i građana su trajne vrijednosti, koje svi trebamo uvažavati i baštiniti.

Dakle, uz dužno uvažavanje značaja donošenja Budžeta Općine i drugih strateških dokumenata, za Općinu i građane, iz navedenog razloga, neću se odazvati Pozivu za tzv. "Hitnu" sjednicu Općinskog vijeća, jer ne želim da, na bilo koji način, učestvujem u nezakonitim, manipulatorskim i prevarantskim radnjama Općinskog načelnika i njegove produžene ruke Emine Čehić.

Za mene su Budžet, javna sredstva i interesi Općine i građana previše ozbiljne stvari da bi se prema njima nezakonito, neozbiljno i neodgovorno odnosio ili aplaudirao nekome ko godinama, u trošenju budžeta i javnog novca, krši zakone i ignoriše interese Općine i građana.

Lijepi Vam pozdravi i svako dobro.

Rifat Dolić, Vijećnik DNZ BiH - Krajiške stranke u OV-u Velika Kladuša